



NANCY BARGMANN
TUS THAWJ COJ
(DIRECTOR)

State of California—Health and Human Services Agency
Department of Developmental Services
1215 O Street, Sacramento, CA 95814
www.dds.ca.gov



GAVIN NEWSOM
TSWV XEEV

Lub Peb Hlis, Tim 29, 2024

SAU MUS RAU: COV THAWJ TSWJ SAIB XYUAS DEJ NUM NTAWM
COV CHAW PAB NEEG XIAM OOB QHAB NYOB HAUV
TEJ CHEEB TSAM (REGIONAL CENTER
EXECUTIVE DIRECTORS)

HAIS TXOG DAB TSI: KHOOM TECHNOLOGY PAB TIB NEEG (AT) NYOB HAUV
QHOV KEV PAB CUAM EARLY START

Department of Developmental Services (Lub Chaw Tuav Dej Num Saib Xyuas Cov Kev Pab Uas Muaj Rau Cov Neeg Muaj Teeb Meem Rau Ntawm Txoj Kev Loj Hlob Siv (Lub Chaw Tuav Dej Num) tau tso tsab ntawv ntawm no tawm coj los ua cov lus qhia rau cov chaw pab neeg xiam oob qhab nyob hauv tej cheeb tsam los mus pab ua kom muaj kev mus siv tau cov khoom technology pab tib neeg raws nraim li ib tus me nyuam Qhov Kev Pab Uas Npaj Rau Ib Yim Neeg (Individualized Family Service Plan (IFSP)). Cov lus qhia ntawm no yog ib cov uas yuav muab siv tau rau tag nrho cov me nyuam tsis tau muaj 36 hli uas lawv yeej siv lub chaw pab neeg xiam oob qhab nyob hauv tej cheeb tsam cov kev pab.

Keeb Kwm

Thaum Lub Ib Hlis, Tim 22, 2024, lub chaw US Department of Education, Office of Special Education Programs, tau tso [ib cov lus qhia](#) tawm coj los pab cov me nyuam uas lawv yuav tsum tau siv cov khoom technology (AT) pab tib neeg thiab cov kev pab tseem ceeb rau txoj kev mus kawm ntawv thiab txoj kev mus kawm tau ntaub ntawv. Cov lus qhia ntawm no yog ib cov uas yuav muab siv tau rau cov me nyuam uas lawv yeej muaj cov IFSPs los ntawm Part C of the Individuals with Disabilities Education Act (IDEA), los sis Early Start nyob hauv California.

[California cov lus tswj](#) yeej hais tias “kev kawm kom paub nrog neeg sib txuas lus yog txhais hais tias kev kawm kom paub hais thiab/los sis paub mloog thaum neeg hais lus uas yog suav txoj kev nkag siab thiab/los sis txoj kev siv cov txuj ci txuas ntxiv ntawm no: siv tes taws, siv lub ntsej muag, nyeem ntawv, siv lus piav tes, siv lub cev thiab lub suab lus thiab lub qhov muag coj los nrog lwm tus neeg sib txuas lus.” Muaj raws nraim li qhov uas tsoom fww yuav tsum kom muaj, cov khoom technology pab tib neeg yeej yog ib qhov kev pab thaum lub hnuv nyoog tseem yaus uas twb muab txhais rau hauv tshooj cai [California Code of Regulations \(CCR\), Title 17, section 52000\(b\)\(5-6\) lawm](#).

Cov Thawj Tswj Saib Xyuas Dej Num Ntawm Cov Chaw Pab Cov Neeg Xiam Oob
Qhab Nyob Hauv Tej Cheeb Tsam (Regional Center Executive Directors)
Lub Peb Hlis, Tim 29, 2024
Phab ntawv ob

Khoom Technology Pab Tib Neeg

[Raws li tshooj cai CCR, Title 17, section 52000\(b\)\(5\)](#) thiab [CFR Title 34, section 303.13\(b\)\(1\)\(i\)](#), ib ib yam khoom technology pab tib neeg yog “ib yam khoom, ib qhov khoom, ib lub tshuab los sis ib txoj kev khiav ib yam dab tsi, tsis hais txog qhov hais tias nws yuav yog ib yam khoom uas mus yuav nyob ntawm ib lub khw muag khoom, ib yam khoom uas muab kho kom siv tau, los sis ib yam khoom uas ua kom muaj txhua yam raws nraim li qhov tus neeg yuav siv, uas yog ib yam khoom uas yeej muab siv coj los pab ib tus me nyuam tseem tsis tau mus taus kev los sis ib tus me nyuam uas twb mus taus kev lawm thiab yog ib tus me nyuam xiam oob qhab kom nws ua tau ub tau no ntau ntxiv, kom ua tau ub tau no zoo li qub, los sis kom tau ub tau no zoo dua qub. Lo lus no yeej tsis suav ib yam khoom kho mob uas muab faus rau hauv lub cev, suav nrog rau ib qhov khoom uas muab faus rau hauv lub qhov ntsej kom hnov lus, los sis kom hnov lus zoo li zoo tau (piv txwv, qhov hu ua mapping), kom hnov lus zoo li qub, los sis kev pauv yam khoom ntawd.”

Kev Pab Cov Khoom Technology Pab Tib Neeg

[California cov lus tswj](#) thiab [tsoom fwv cov lus tswj](#) yeej muab kev pab cov khoom technology pab tib neeg txhais hais tias yog “ib qhov kev pab uas yeej pab ncaj nqa rau ib tus me nyuam tsis tau mus taus kev los sis ib tus me nyuam uas twb mus taus kev lawm thiab yog neeg xiam oob qhab hauv txoj kev xaiv, kev yuav, los sis kev siv ib yam khoom technology pab tib neeg.

Hauv qab no yog ib cov khoom AT ua piv txwv rau cov tib neeg uas muaj ntau yam kev xiam oob qhab, zoo li tau muab piav qhia nyob hauv tsoom fwv cov lus qhia uas nyuam qhuav muab tso tawm tsis ntev los no.

1. Txuj ci siv hauv computer uas muab cov ntawv hais ua suab lus coj los mloog cov ntaub ntawv uas siv hauv khoom hluav taws xob.
2. Cov khoom sib txuas lus uas yuav pab ua kom txuas lus tau zoo thiab txawv coj los pab cov me nyuam yaus uas yog neeg xiam oob qhab kom lawv nrog lawv tsev neeg thiab tej phooj ywg sib txuas lus tau. Qhov no yeej tsis yog ib qhov uas tsuas pab txoj kev kawm kom muaj txuj ci txuas lus xwb, tiam sis kuj tseem pab ua kom lawv pom hais tias lawv tus kheej yeej muaj nuj nqis thiab kom lawv muaj kev ntseeg siab rau tus kheej; uas yuav ua tau kom muaj qhov zoo rau lawv txoj kev noj qab haus huv tib si; thiab
3. cov sij hawm teem tseg thiab cov tshuab qhia sij hawm uas pom ntawm qhov muag coj los ua kom nkag cov dej num niaj hnuv ua thiab qhov hais tias lub sij hawm khiav zoo li cas. Cov khoom AT ntawm no yeej ua rau cov me nyuam yaus uas yog neeg xiam oob qhab mus koom tau cov dej num uas niaj hnuv ua raws sij hawm thiab nkag saib qhov uas xav kom lawv ua tau.

Cov Thawj Tswj Saib Xyuas Dej Num Ntawm Cov Chaw Pab Cov Neeg Xiam Oob
Qhab Nyob Hauv Tej Cheeb Tsam (Regional Center Executive Directors)
Lub Peb Hlis, Tim 29, 2024
Phab ntawv pab

Nyiaj Txiag Rau Cov Khoom Technology Pab Tib Neeg

Yog thaum twg ib qhov kev ntsuam xyuas uas ntsuas txhua, ntsuas ntau yam (zoo li muab txhais nyob hauv tshooj cai [Title 34, section 303.321 of the CFR](#)) yeej txiav txim hais ib tus me nyuam uas tseem tsis tau mus taus kev los sis ib tus me nyuam uas twb mus taus kev lawm yeej muaj teeb meem rau ntawm txoj kev paub nrog neeg sib txuas lus, pab yeej xav kom cov neeg sib pab khiav hauj lawm rau IFSP muaj ib qhov kev ntsuam xyuas rau cov khoom AT thiab cov kev pab uas yuav daws tus me nyuam qhov teeb meem ntawm txoj kev paub nrog neeg sib txuas lus thaum lawv npaj qhov IFSP. Thaum ua kom muaj kev mus siv tau cov khoom technology pab tib neeg, tshwj xeeb tshaj yog cov khoom thiab kev pab zoo rau txoj kev sib txuas lus, cov chaw pab neeg xiam oob qhab nyob hauv tej cheeb tsam yeej siv Communication Aides (tus lej 112 rau qhov kev pab ntawmno) thaum lawv mus yuav cov khoom technology pab tib neeg.

Yog koj muaj lus nug hais txog tsab ntawv ntawm no, thov sau email mus rau earlystart@dds.ca.gov.

Sau npe,

Tus neeg kos npe rau daim ntawv uas yog tsab ntawv tseem:

MARICRIS ACON

Lwm Thawj Tswj Saib Xyuas Hauj Lwm
Children, Adolescents, and Young Adult Services Division

Xa ib tsab mus rau: Cov Neeg Saib Xyuas Dej Num Nyob Cov Chaw Pab Neeg
Xiam Oob Qhab Nyob Hauv Tej Cheeb Tsam
Cov Thawj Tswj Saib Xyuas Cov Kev Pab Uas Npaj Rau Neeg
Siv Nyob Ntawm Cov Chaw Pab Neeg Xiam Oob Qhab Nyob
Hauv Tej Cheeb Tsam
Cov Thawj Tswj Saib Xyuas Cov Kev Pab Uas Npaj Rau Lub
Zej Zos Siv Nyob Ntawm Cov Chaw Pab Neeg Xiam Oob
Qhab Nyob Hauv Tej Cheeb Tsam
Amy Westling, Association of Regional Center Agencies
Nancy Bargmann, Department of Developmental Services
Brian Winfield, Department of Developmental Services
Carla Castañeda, Department of Developmental Services
Ernie Cruz, Department of Developmental Services
Erin Paulsen-Brady, Department of Developmental Services